

内閣文庫	
番號	漢 12609
冊數	200 (130)
函號	300 212



大學東
校典藉
局之印

大德重校聖濟總錄卷第一百三十一
癰疽門

癰疽門

癰疽潰後蝕惡肉 癰疽大小便不通

癰疽潰後蝕惡肉

癰疽大小便不通

癰疽托裏法

癰疽等瘡內消法

一切癰疽諸瘡膏藥

圖書印

石硫黃研

雄黃研

麝香研各

右六味除研者外搗羅為散再和勻每用少許傅瘡日三五次以惡肉盡為度

治癰疽瘡大黃蝕肉膏方

大黃

附子炮裂去皮

莽草

芎藭

雄黃研

雌黃研

真珠研

白欵

白礬研

黃芩去黑心

藺茹各壹兩

豬脂貳斤

右一十二味除研者并豬脂外剉碎先熬脂令沸下諸藥煎候赤黑色綿濾去滓下研者藥攪勻傾出瓷

器盛每日塗瘡日三五次以惡肉盡為度

治發背癰疽及惡瘡不生肌肉敗壞其色黑蝕惡肉白

礬散方

白礬研半兩

藺茹末壹兩

膩粉研壹分

雄黃研

當歸末各壹兩

右五味合研勻取少許傅瘡日三次

治癰疽瘡蝕惡肉硫黃散方

硫黃研

馬齒礬研

藺茹末

丹砂研各半兩

麝香研壹錢

雄黃研

雌黃研

白礬研各半兩

右八味合研勻每用少許傅瘡日三兩次以惡肉盡為度

治癰疽敗壞生肉生地黄膏方

生地黄兩肆 辛夷

獨活去蘆

當歸焙切 大黃

芎藭

黃耆 白芷

芍藥

黃芩去黑心 續斷壹兩

豬脂貳斤

薤白貳柒

右一十三味除豬脂外並剉碎先熬脂令沸下諸藥煎候白芷赤黑色以綿絞去滓瓷合盛塗瘡日三兩

治癰疽始作便壞熱毒發瘡羊髓膏方

羊髓壹兩 甘草各貳兩 胡粉各貳兩

大黃壹兩 豬脂壹斤

右五味除羊髓豬脂胡粉外剉碎先熬羊髓豬脂令沸下甘草大黃煎令赤黑色綿濾去滓下胡粉攪令勻瓷合盛每用塗傅瘡日三四次

治癰疽敗壞生肉莽草膏方

莽草 當歸 薤白

黃芩去黑心 甘草 白芷

大黃壹斤 續斷各壹兩 豬脂貳斤

右九味除豬脂外剉碎先熬脂令沸下諸藥煎候白芷赤黑色以綿絞去滓瓷合盛塗瘡日三次

治癰疽惡肉瘡蝕盡生肌芍藥膏方

芍藥壹斤 黃耆壹斤

獨活去蘆頭 白芷壹斤 當歸各壹兩

薤白參兩 生地黄壹兩半 豬脂壹斤

右九味將八味剉碎先熬脂令沸下諸藥煎候白芷赤黑色綿濾去滓每取少許塗傅瘡日三五度

治癰疽發背後生肉膏方

生地黄壹斤 辛夷貳兩 獨活去蘆頭

當歸焙 大黃炒 黃耆剉

芍藥 白芷 芍藥

黃芩去黑心 續斷各壹兩 薤白伍兩

右一十二味咬咀以臘月豬脂煎膏傅瘡立差

治癰疽發背去惡肉麝香膏方

麝香研 雄黃研 白礬燒汁

右四味搗研細羅為末以豬蹄煎膏調如泥傅之惡肉盡為止

肉癰疽大小便不通

論曰癰疽之人經絡壅閼氣血結聚榮衛津液因以虧燥邪熱內鼓流注於大小腸氣不疎通故大小便俱不通治法宜通其閉塞導去邪毒使勢無深入穿通府藏茲治之要也

治發背一切惡瘡及乳癰結聚腫鞭熱痛藏府餘毒閉澁可服通泄調氣解毒木香丸方

木香壹兩

檳榔生剉參分

芎藭

羌活

去蘆頭各半兩

大黃剉炒壹兩

附子

炮裂去皮臍

人參

各半兩

枳殼麩炒去瓢參分

牽牛

壹兩半炒半生

陳橘皮

湯去白焙半兩

右一十味搗羅為細末鍊蜜為丸如梧桐子大以瓷合內盛之每日空心粥飲下三十九丸通利一兩行如不利加至四十九五十九丸以通疎為度甚者夜臥時更服二十五丸

治發背諸癰腫丹石藥毒頭痛壯熱大小便不利玄參丸方

玄參壹兩

升麻

梔子人

黃芩

去黑心各半兩

黃耆

細剉參分

大黃

剉炒壹兩半

吳藍

半兩

犀角

鎊屑參分

木通

剉貳兩

連翹分參

朴消研壹兩半

右一十一味先以十味擣羅為細末再同朴消研勻
鍊蜜和丸梧桐子大每日空心米飲下十五丸如不
利加至二十九取快利三兩行為度瀉下膿化為黃
水即差

治年未及四十氣血強壯常苦癰疽無定大小便不通

五利大黃湯方

大黃剉微炒

升麻各貳兩

黃芩去黑心壹兩

梔子拾枚去皮

右四味麤擣篩每服五錢匕用水一盞半煎至八分

去滓下芒消一錢匕空心溫服快利三兩行為度未
利再服

治癰疽瘡發大小便秘澀不通朴消丸方

朴消研

大黃剉

杏仁湯浸去皮尖雙入炒研

葶藶子微炒各貳兩

右四味先以三味搗羅為細末入朴消和勻鍊蜜為
丸如梧桐子大每食後煎黃耆湯下二十九以通利
為度未利再服

治表裏俱熱三焦不通發背疽瘡及癰癤大小便不利

山梔子湯方

山梔子拾伍枚 大黃剉微炒 黃芩去黑心

知母焙 甘草炙剉各壹兩

右五味麤搗篩每服五錢匕用水一盞半煎至一盞去滓下芒消一錢匕空心溫服日再

治發背癰疽及乳癰毒氣攻臧府大小便不通木通湯

方

木通剉 黃芩去黑心各壹兩 山梔子去皮

漏蘆根 土瓜根 大黃剉

甘草炙剉各參分

右七味麤搗篩每服五錢匕用水一盞半煎至一盞

去滓下朴消一錢匕再煎三兩沸空心溫服未利再

服

治癰疽取利下後熱微退小便不利小麥湯方

小麥合 甘草炙

芍藥 石膏碎 生乾地黄焙

黃耆剉 木通剉 升麻

黃芩去黑心 前胡去蘆頭各半兩 麥門冬去心焙

右一十二味麤搗篩每服五錢匕用水一盞半入竹葉七片大棗二枚擘破同煎至一盞去滓空心溫服

日晚再服

治發背癰疽排膿止痛利小便瞿麥散方

瞿麥穗

芍藥

桂去麤皮

赤小豆

芎藭

白欬

黃耆細切

當歸切各半兩

麥門冬去心壹分

右九味搗羅為細散每服二錢匕溫酒調下空心日

晚各一服

諸癰疽托裏法

論曰癰疽諸瘡氣血虛微肌寒肉冷膿汁清稀毒氣不出瘡久不合或聚腫不赤結鞭無膿外證不見者前宜托裏邪氣外散膿汁早成毒有所泄而不內攻也

治癰疽諸瘡潰後膿出多內虛托裏黃耆湯方

黃耆

細切

白茯苓

去黑皮

桂去麤皮

麥門冬

去心焙

當歸

切

人參

甘草

炙

遠志

去心各壹兩

五味子

壹兩半

右九味麤搗篩每服四錢匕水一盞半煎取一盞去

滓溫服不計時候日二

治發背癰疽久冷不差托裏生肌芎藭散方

芎藭

貳兩

黃耆

細切壹兩

白芷

半兩

赤芍藥

壹兩

桂

去麤皮參分

人參

丁香

當歸

切焙各半兩

右八味搗羅爲細散每服二錢匕粥飲調下空心日晚再服以差爲度。

治癰疽發背膿血穿潰疼痛托裏止痛當歸湯方

當歸焙切

黃耆細剉

人參各壹兩

桂去麤皮

赤芍藥

甘草炙剉

生乾地黄焙各參分

右七味麤搗篩每服五錢匕以水一盞半煎取一盞

去滓溫服不拘時候日二夜一

治發背癰疽一切瘡腫托裏排膿木香散方

木香

黃耆細剉

白欬

木占斯

芎藭

當歸焙切

細辛去苗葉

桔梗炒

赤芍藥

檳榔生剉

敗醬

甘草炙

桂去麤皮

羌活去蘆頭

白芷各壹兩

右一十五味搗羅爲細散每服二錢匕甘草煎酒調

下空心午時日晚各一服以差爲度

治一切瘡內托散方

甘草炒

人參

甘菊花壹半炒

玄參各壹兩

右四味搗羅爲細散每服二錢匕煎棗豆湯調下

治諸瘡熱退膿不止托裏內補防風散方

防風去

白茯苓去黑皮

白芷

桔梗炒

遠志去心

甘草炙

人參

芎藭

當歸切

黃耆剉各壹兩

附子炮裂去皮臍貳枚

厚朴去麤皮薑汁炙貳兩

赤小豆酒浸壹宿焙半升

桂去麤皮半兩

二夜一

右一十四味搗羅為細散每服一錢匕溫酒調下日

治癰疽潰後膿血太多托裏除虛熱黃耆茯苓湯方

黃耆剉

麥門冬去心焙各參兩

白茯苓去黑皮

桂去麤皮各貳兩

五味子貳兩

右六味麤搗篩每服三錢匕以水一盞入生薑棗煎取七分去滓溫服不拘時候

治癰疽托裏六倍散方

黃耆細剉壹兩壹分膿多倍之

赤小豆參分口乾倍之

芎藭半兩若肉未生倍之 白斂參分瘡口不合倍之 栝樓去皮參分小

當歸切焙壹兩若疼倍之

右六味搗羅為細散溫酒服方寸七日三夜二凡癰疽大堅者未有膿半堅半有膿當上薄皮都有膿便可破之所破之法宜下逆上破之令膿易出膿深難

見上肉厚宜火針之若外不別有膿可當上按之內
便隱痛中央堅者未有膿按之更疼於前者已熟也
治癰疽內攻五藏煩悶不安排毒托裏五香散方

沉香剉

乳香研

丁香

木香

藿香各壹兩

右五味以四味搗羅為細散入乳香和勻先以清酒
五升黃耆五兩寸截餅內封閉浸一宿旋取一盞微
溫調下一錢匕日三夜二不可犯鐵器

治癰疽日漸焮長內塞散方

熟乾地黄焙

續斷

人參

芍藥

附子炮裂去皮臍

枳殼去瓢炒

甘草炙剉

芎藭

細辛去苗

桂去麤皮各壹兩

檳榔剉壹兩半

黃耆剉

當歸切焙各貳兩

蜀椒去目并合口者炒出汗半兩

肉蓯蓉酒浸切焙參分

右一十五味搗羅為散每服三錢匕空心溫酒調下

日再服

治諸癰疽踈轉後宜補虛助氣飲方

黃耆剉貳兩

人參

白茯苓去黑皮

甘草炙剉

五味子

芎藭

獨活去蘆頭

桂皮去麤

青橘皮湯浸去白焙各壹兩

麥門冬去心焙

當歸切焙

杏人去皮尖雙人炒黃

熟乾地黄焙各壹兩半

右一十三味麤擣篩每服五錢匕水一盞半生薑三

片大棗二枚去核煎至八分去滓不拘時溫服

治癰腫瘡癤排膿連翹飲方

連翹

防風去義

玄參

白芍藥

薺芫

黃芩去黑心各貳兩

桑根白皮剉炒貳兩半

前胡去蘆頭

人參

甘草炙剉

桔梗剉炒

白茯苓

去黑皮各壹兩黃耆剉肆兩

熟干人參各兩

右一十三味麤擣篩每服五錢匕以水一盞半煎取

八分去滓溫服日二

癰疽等瘡內消法

論曰治病必先求其本而後治其標癰疽諸瘡雖發於外而本乎中熱之所出始覺經絡壅滯氣血悶鬱有瘡瘍之證則熱氣初作榮衛未礙肌肉未腫腫而未腐之時特可疎滌風熱通導而去之逮其毒氣已結則不可論內消法恐熱毒不出反以內攻適所以傷之先後遲速之用不可不審

治發背癰疽腫毒痛苦不可忍者內消散方

車螯壹枚背上紫色光厚者是用黃泥裹定火煨通赤放冷去泥搗為末

右一味以栝樓一枚打碎用酒一椀於銀石鍋內慢火熬及一盞瀘去滓入膩粉一錢匕同以酒調晚後服之取下如魚涎為驗

治發背癰腫腸癰乳癰一切毒腫內消化毒犀角丸方

犀角屑壹兩升麻

黃芩去黑心

大黃剉防風去

人參

當歸切黃耆剉

藜蘆去蘆頭

黃連去須甘草炙

梔子人各半兩

巴豆拾貳枚去皮心炒令黃細研

右一十三味除巴豆外擣羅為末入研了巴豆和勻鍊蜜為丸如梧桐子大每日空心粥飲下五丸以利為度未利加至七八丸利下黃沫惡物為効

治瘡腫久不愈內消散方

皂莢刺皮壹兩為末乳香研貳錢

右二味末和勻每服二錢匕酒一盞煎七分溫服其毒內消或微利是効

治瘡癰腫內消漏蘆煮散方

漏蘆去綿白欬

黃芩去黑心

麻黃去節根

白薇洗

枳實炒

升麻

芍藥

大黃炒

甘草炙各壹兩

右一十味搗羅為散每服二錢匕水一盞煎至七分

溫服

治癰疽始發未變膿令內消花藥石散方

花藥石煨火

黃蜀葵花

龍骨去土研

烏賊魚骨去甲

梔子人

草龍膽去土

鬱金剉

胡粉

大黃剉各壹兩

右九味搗羅為散量多少以津唾調成稀膏傅之頻

以唾潤日一易

治諸癰腫初發及火灼乳癰令內消乳香散方

乳香半兩

水銀粉壹分

黃蘗壹兩半

白及壹分

白歛

鉛丹

大黃各壹兩

右七味搗羅為細散水調貼之有膿時乾摻

治癰疽發背一切熱毒氣結腫疼痛府藏壅滯踈轉枳

沒丸方

枳殼去瓢炒

青橘皮去白焙

牽牛子壹半生壹半炒共參

分

木香壹分

甘草炙

大黃剉炒各壹兩

皂莢不艸者參揆推碎以酒壹升浸接取汁絹濾去滓

右七味除皂莢外搗羅為末先以皂莢汁於火上煎成膏即入藥末攪和為丸如梧桐子大空心服二十丸葱茶下以利為度未利再服

治癰疽內消防風散方

防風去

升麻

白欬

黃芩去黑心

豬苓去黑皮

黃耆剉

瞿麥穗各壹兩

薏苡人壹兩

當歸焙切

甘草炙各半兩

人參分

赤小豆壹合醋炒

右一十二味搗羅為散每服二錢七空心溫酒調下

日晚再服

治癰腫內消升麻湯方

升麻

大黃炒

黃芩去黑心

當歸焙切

枳殼去瓢麩炒各壹兩

甘草炙半兩

芍藥壹兩

右七味麤搗篩每服五錢匕以水二盞煎至一盞去

滓空心溫服日晚再服

治癰疽已成膿水內消木占斯散方

木占斯

桂去麤皮

人參

細辛去苗葉

敗醬

乾薑炮

厚朴去麤皮生薑汁炙 防風去叉

桔梗炒

甘草炙各壹兩

右一十味搗羅為散每服三錢匕溫酒調下食前服未成膿即去敗醬一味

治癰疽始作赤焮熱長甚速木香搭方

木香

犀角屑

大黃

升麻

黃芩去黑心

梔子人

黃連去須

甘草

芒消

射干

黃蘗去麤皮炙

紫檀香

羚羊角屑

白斂各壹兩

地黃汁伍合

麝香壹分研入

右一十六味咬咀以水二升煮取一升用故帛兩重

內湯中蘸搭腫上乾即又蘸搭之日夜數百度

治腫毒癰疽未潰令內消已潰令速愈草烏頭散方

右取草烏頭末水調雞羽掃腫上有瘡者先以膏藥

貼定無令藥著人初塗病人覺冷如水瘡乃不痛

治一切癰疽瘡癤焮腫未穴先踈通藏府牽牛子散方

牽牛子貳兩壹半生壹半炒

木香

青橘皮湯浸去白焙 陳麴炒各半兩

右四味搗羅為散每服三錢匕五更初以生薑茶調

下至天明通轉三兩行自止後以薤白粥補之
一切癰疽諸瘡膏藥

論曰諸瘡之證成腫或潰或鞭或久不差者皆藉以膏
劑去殍腐排惡汁化死肌生良肉者正以此也附方于
後

治一切瘡腫及傷折雲母膏方

雲母去麤 消石細研 甘草各肆兩

槐枝 栢葉 柳枝

桑根白皮各貳兩 桔梗 防風去叉

桂皮去麤 蒼朮 菖蒲

高良薑 黃芩去黑心 茈胡去苗

厚朴去麤皮 松脂 蜀椒去目并閉口者

芍藥 龍膽 白芷

白及 白欬 黃耆

芎藭 白茯苓去黑皮 夜合花

附子去皮臍各半兩 鹽花 人參

當歸焙切 木香 麒麟竭

沒藥 麝香 乳香各半兩

橘皮去白壹兩 鉛丹壹拾肆兩 水銀貳兩

右三十九味依次第用各麤剉勿令太細免煎易焦

黑先以清油四十兩於鐺內鍊令香熟下雲母用柳
篋不住手攪候十數沸卽以罩籬漉出次下消石亦
準前法次下柏葉焦黃色爲度亦漉出一味味煎相
次下柳槐枝次下鹽花及人參諸藥候藥盡後提鐺
離火候微冷以綿濾過再入鐺內便下鉛丹急以柳
篋子攪須更色變卽止却將鐺火上加火煎之色黑
稠以柳篋取少許滴於水上凝結不黏手是藥已成
先須炙一瓷器令熱卽傾藥在內候膏藥如人體溫
方入麝香仍以絹袋子盛水銀以手彈膏藥上如鍼
頭細再以柳篋攪勻此是養藥母也如人收此藥防

身以蠟紙裹不令風乾可三二十年並無損動若發
背先以敗蒲二斤用水三升煮三五十沸將蒲湯洗
瘡拭乾貼藥又以藥一兩分爲三服溫酒下未成膿
者立差乳癰瘰癧骨疽毒穿至骨者用藥一兩分作
三服溫酒下甚者卽瀉出惡物兼外貼差腸癰以藥
半兩分爲五服用甘草湯下未成膿者當時便消已
成膿者膿隨藥下膿出後每日酒下五丸如梧桐子
大膿止卽止風眼貼兩太陽穴一切惡蟲咬外貼留
瘡口發腦發髭鬚發眉發耳臍癰牙疼並外貼腎癰
馬墜傷筋骨疼不可忍者但以酒下半兩老少臨時

加減外更膏藥包裹當時痛止箭頭在內不出者外貼每日喫少爛菜豆箭頭自出虎豹所傷先以甘草湯洗然後貼膏每旦換不過三貼狗咬蛇咬外貼又以生油下十丸如梧桐子大難產二日三日不分免者溫酒下一分血運欲死以薑汁和小便半升溫酒下十丸死胎在腹以榆白皮湯下半兩小腸氣炒覆香子溫酒下婦人血氣當歸酒下中毒藥者洗襪酒下各一分許中毒之人即吐瀉出惡物差一切腫癢瘤贅藥利即差只忌羊血

治一切瘡腫保安膏方

當歸焙切

附子去皮

芎藭

防風去

白欽

升麻

細辛去苗葉

側柏

葶藶各壹兩

桃人去皮

甘草

桑根白皮

垂柳枝

白及

黃耆

白芷

白僵蠶各半兩

鉛丹研伍兩

雄黃研

麝香研

硫黃研各半兩

杏人去皮參分

丹砂研壹分

右二十三味咬咀以麻油二斤於新瓷器內浸藥一宿次日內鑊中文武火鍊候稀稠得所以綿濾去滓

入雄黃鉛丹丹砂麝香硫黃等物再煎須臾息火別入黃蠟四兩凝藥候稍過傾入熱瓷器內盛之勿令塵污發背酒調兩匙日兩服外貼二日一換瘰癧瘻瘡疽瘡風腫乾癬爛癬腎癬濕癬發鬢發腦發牙蛇蟲咬皆貼之折傷筋骨酒服半匙箭入骨貼之自出喉閉含之即通難產并胎死腹中煎酒化下半兩血氣衝心生薑自然汁加小便同煎溫酒化下一匙但諸惡瘡數年不痊者以鹽湯先洗然後貼之

治一切惡瘡癩癰癰疽發背陰瘡灸瘡湯火瘡閃撲損烏犀膏方

白芷

板藍根

苦參

芎藭

并細剉各壹兩半

鉛丹

陸兩

清麻油

壹拾伍兩

右六味先將油并前四味藥用慢火同煎令藥焦黑用綿濾去滓再入鍋內亦用文武火煎沸下鉛丹在內用柳木篦子攪勻滴水內成珠為度即傾在瓷器內密收如用以無灰紙攤貼所患處

治一切瘡腫紫金膏方

皂莢

不艸者壹挺去皮

葱

伍莖去根貳味於清油內煎令焦黃以綿濾去滓

鉛丹

研肆兩

團粉

研肆兩

松脂

研貳兩

右五味用清油半斤先煎前二味去滓次下鉛丹又

下團粉松脂以柳木篦不住攪滴水中成珠爲度隨
瘡大小貼之

治一切惡瘡腫烏金膏方

麻油

壹斤

鉛丹

肆兩冬月陸兩

蠟

肆兩

頭髮

雞子大壹團

右四味先炒鉛丹令黑卽下油及髮以柳木篦不住攪
滴水中候可丸卽止便下蠟更煎蠟銷後卽盛瓷器內
隨瘡大小貼之

治一切瘡腫傷損湯火燒摩風止痛痒用薄絹攤貼之
口瘡含化一豆大風毒氣眼瞼赤爛疼痛不可忍者用

藥塗之口面風癬以藥塗擦熱徹爲度耳鼻中肉鈴用
紙撚點一豆大一月取下並不疼痛仍除癥痕退黥黥
等神應膏方

栝樓

壹枚去皮

零陵香

藿香

芍藥

甘草

黃耆

杏仁

壹分各去皮

白芷

參分

龍腦

麝香

壹錢並研各

黃蠟

壹兩半

清油

陸兩

右一十二味除龍腦麝香外並細剉於入臘日用油
浸七日却出藥將油鍊令香熟放冷秤六兩却再入
諸藥煎令黃用夾絹袋濾去滓再入鍋內旋旋下蠟

攪勻滴水中成珠卽止去火候溫入龍腦麝香打勻
傾出熱菴合內依前病用之

治一切惡瘡三仙膏方

麻油肆兩

鉛丹

定粉各研
壹兩

右三味先鍊油熟將鉛丹定粉同羅過同煎用槐枝
攪勻候稀稠得所滴水內如珠卽止每用隨瘡大小
貼之

治一切癰腫瘡癤乳香膏方

清油壹斤

皂莢伍握去
皮剉

葱白伍握
剉

鉛丹

團粉各陸
兩

松脂肆兩

乳香壹兩

當歸壹兩

桂心壹錢

右九味先將清油於銚子內慢火煎熟入皂莢葱白
桂心以煎令黃赤色濾去滓後下松脂乳香沸下粉
鉛丹當歸同熬成膏滴在水碗中成珠子於瓷合內
盛以故帛上攤每日早晚換之
治一切癰疽發背疼痛不止木通膏方

木通貳兩

黃丹伍兩

細辛壹兩

茵陳壹兩

琥珀半兩
細研

朱砂壹兩
細研

清麻油拾兩

右七味先煎油令沸卽下細辛木通茵陳煎五七沸

去滓即入琥珀朱砂末更煎用柳木篦攪候滴於水中成珠子膏成收於瓷合中每攤膏於故帛上貼日二易之

治一切癰疽發背疼痛不可忍丁香膏方

丁香半兩 麻油壹斤 黃丹柒兩

丈夫頭髮兩壹 蠟兩壹 桂心半兩

當歸半兩

右七味先鍊油令香下髮煎令髮盡次下蠟以綿濾過却入罐中下黃丹不住手攪候色黑滴在水內如珠子即下丁香桂心當歸等末攪令勻以瓷合盛用

故帛上攤貼日二換之

治一切癰疽發背日夜發歇疼痛不止胡粉膏方

胡粉肆兩 油半斤 蠟貳兩

乳香半兩 麝香壹錢 沒藥半兩

右六味以文火煎令油熟下胡粉後下蠟臨成下麝香乳香沒藥攪勿住手待似星花上來即住以瓷器內盛於故帛上塗貼日二換之

治一切癰疽發背潰後肌肉不生宜用此排膿生肌神

効膏方

當歸貳兩 白芷壹兩 乳香參分

松脂兩壹

芎藭兩壹

白歛兩壹

緋帛灰半兩

亂髮灰半兩

甘草壹兩

黃丹拾兩

木鼈子參拾枚

杏仁壹兩湯浸去皮尖雙入

木香壹兩

黃蠟貳兩

麻油貳升

右十五味先取油安鑊內鍊令香熟將八味藥細剉下油中浸一宿以文火煎白芷色黑赤濾去滓下松脂蠟乳香緋帛髮灰等更煎令消以綿濾去滓入鑊內下黃丹不住手攪變黑光色滴在水中為珠子膏成用瓷器盛每用以故帛攤貼日二易之

治一切癰腫潰後肌肉不生宜用此排膿生肌乳香膏

方

乾死鼠壹箇中大黃壹兩

乳香半兩

杏仁半兩去皮尖

雞子黃壹兩

亂髮如雞子膏團

鉛丹陸兩

蠟壹兩

水銀半兩

油壹斤

右一十味先熬油令沸下亂髮並鼠大黃煎候鼠焦色綿布絞去滓再下鉛丹蠟杏仁煎以柳篋攪令黑色即下雞子黃水銀乳香等攪令勻滴水中成珠得所以瓷合盛用故帛攤貼

治一切惡瘡發背毒腫烏金膏方

油斤半 鹽花兩 黃蠟兩

柳枝兩

右四味先熬油令沸下柳枝煎候焦黃漉出綿布絞去滓再煎下蠟鹽花以柳篋攪令稀稠得所以瓷合盛用故帛上攤貼若三日內未成膿便消已成膿頭未破者即潰不須鍼灸其瘡變痛成痒是藥力也色如猶皮孔濺濺有黃水若是惡瘡發背用藥貼出膿血及黃水赤小豆汁貼膏令出盡以差為度治一切瘡癰腫毒至聖膏方

夜合花白皮 葫蘆 大黃

當歸 白欬 槐白皮

白芷 細辛去苗 杏仁

天麻 芎藭 槐枝

柳枝 敗龜 虎骨

附子去皮臍 乳香細研 麝香細研

砒霜細研 自然銅細研 膩粉研分

牛黃細研 定粉研半 鉛丹拾貳

清油貳斤

右二十五味除研藥丹粉外細剉先熬油令沸次下諸藥煎候白芷赤黑以綿紋去滓再煎下丹柳篋攪

候變黑色滴水中成珠輒鞭得所次下乳香等研藥
更攪令勻次瓷合盛發背魚臍瘰癧並以膏貼日二
上以差爲度

治一切瘡毒無名異膏方

無名異細研

騏驎竭細研各壹分

柳枝剉參兩

蠟壹兩

鉛丹伍兩

油拾貳兩

右六味先熬油令沸下柳枝煎候赤黑色以綿濾過
再煎下丹蠟攪候變黑色滴水中成珠得所下騏驎
竭無名異末更攪令勻瀉冷水中捻作挺子一切惡
瘡發背諸毒瘡並宜塗貼以差爲度

治諸瘡一切打損腫毒走馬膏方

皂莢

豬牙者拾挺去皮推碎

芫花伍兩

生薑

伍兩取自然汁

生地黃

壹斤取自然汁

右四味先以米醋一斗入諸藥煎至三升絞去滓再
煎以柳篋攪候稀稠得所如膏以瓷合盛埋地內五
日取出以故帛上塗貼日二上以差爲度

治一切瘡腫癰毒佛手膏方

清麻油斤半

鉛丹參兩

柳白皮貳兩剉

皂莢刺

肆拾玖枚剉

當歸半兩末

白及壹分末

黃蠟半兩

朱紅壹分

生緋帛伍寸燒灰細研

右九味先熬油令沸下柳皮皂莢刺煎候赤黑色以綿濾過下丹煎以柳篋攪候變黑色卽下諸藥末攪令勻滴水中成珠得所以瓷合盛用故帛塗貼日二上以差爲度

治一切惡瘡癰毒如聖膏方

薔薇根剉 乳香研 阿魏研各壹兩

鉛丹陸 柳枝參兩剉長壹寸 清油壹斤

右六味先熬油令沸下柳枝薔薇根煎候黃黑色以綿濾過下丹煎攪候變黑色次下乳香阿魏更攪令勻一切瘡腫並用故帛上塗貼之如患赤眼頭痛眼

澁貼太陽兩穴驢傷馬墜婦人血氣並當歸酒下三丸如梧桐子大癬瘡先抓破取膏塗貼以差爲度治癰疽及諸種瘡腫應痛膏方

當歸 秦艽 何首烏

敗龜 白欽 白及

白朮 白芷 杏人去皮尖

木鼈子去殼 芎藭 延胡索

蜜陀僧煨研各半兩各用麻油捌兩熬前藥令杏仁黃黑色爲度漉出藥滓入後藥

乳香研 麒麟竭研 沒藥研

楓香脂研各壹分 鉛丹參兩

右一十八味先用油煎前十三味去滓入後五味再熬用柳枝子攪勻令黑色成膏為度如是發背加附子末一分同熬勻用紙花子貼瘡上

治癰疽惡瘡生肌引膿排毒氣蝕惡肉除死肌雄黃膏

方

雄黃細研半兩 巨勝油兩 丹砂細研

蜜陀僧煨研各半兩 鉛丹兩 蠟壹兩

蛇黃半兩煨醋淬 牡蠣煨研參分

右八味研和令勻先熬油令沸下蠟鎔盡次下丹以柳篋攪候變黑色即下諸藥末攪令勻滴水中成珠

子以瓷合盛故帛上塗貼日二上以差為度

治一切瘡腫垂柳膏方

垂柳枝白皮貳兩 蒟藳根肆兩

丹砂壹分細研 熟雞子黃壹枚 熊膽半兩

故青帛柒寸燒灰研 蠟壹兩 鉛丹肆兩

清油斤壹

右九味先熬油令沸下柳皮蒟藳根煎候赤黑色漉出以綿濾去滓下丹蠟煎以柳篋攪候變黑色下四味研藥更攪令勻滴水中成珠子以瓷合盛用故帛上攤貼日二上腸癰以綿裹半棗許含化嚥津以差

爲度眼暗捏作餅子以鍼刺作孔三五十箇貼眼上
便差耳聾作挺子當中刺爲孔塞耳中日二換卽差
打損取膏塗貼疼痛處以差爲度

治發背瘡口未合大聖膏方

當歸切

柳根白皮切各兩

桂分

槐實

白欬切

白及切

沒藥

藥皮去麤皮

各壹兩用臘月豬
脂半斤黃蠟肆兩清油半斤

同熟藥焦色去滓再入後藥

鉛丹研

乳香研各半兩

麝香研壹分

盧會兩半

右一十二味先煎前八味去滓再入後四味熬成膏

以瓷瓶盛入地內七七日取出將熟絹片留眼貼膏
在瘡口上去盡惡物瘡口自合

治發背癰腫惡瘡楸葉膏方

楸葉割拾斤

馬齒莧割壹斤

烏犀角末貳兩

沉香末壹兩

右四味先取馬齒莧楸葉以水五斗煎至一斗瀘去
滓更煎至一升半下二味藥末以柳篋攪候稀稠得
所以故帛上塗貼日二上卽差

治癰疽瘡癤能舒筋脉消腫毒止疼痛黃耆膏方

黃耆割半兩

零陵香分壹

赤芍藥割

芎藭剉

天麻剉

防風去叉剉

生乾地黄

剉各壹錢黃蠟貳兩

清油半斤

右九味除蠟外都一處用銀石器內以油浸七日用文武火煎焦黃色以綿濾去滓下黃蠟再煎令蠟化盛於瓷器中每用以軟帛薄攤貼之如皮膚瘙癢筋脉緊急用少許塗摩尤効

治癰瘡久不差百靈膏方

槐花子

炒焦為末

松柏

各壹兩

乳香

膩粉各壹分

右四味細研拌勻用清油黃蠟各一兩瓷器內慢火

熬成膏貼之

治一切癰疽及上攻下注風毒癭瘡疼痛焮腫等疾敗

毒膏方

巴豆

和殼椎碎陸兩麻油拾貳兩

鉛丹

炒令紫參兩

右三味先將油煮巴豆慢火養一二日滴入水中成珠則止瀘去滓却將其滓在一長餅內搯起餅一頭令高下以火燒逼得巴豆內膏油流下以器盛併入前藥油內同煎攪勻入鉛丹更熬令色紫去火令冷入瓷合內密封地孔藏七日出火毒並以故絹攤貼之

治一切癰疽惡瘡生肌長肉膏方

清油拾兩

龍骨研貳兩

木香

檳榔

黃連

去須各參分參味同為未取細

右五味先將油入鍋內慢火熬滴水成珠子下龍骨末更熬如稀膏則止去火候稍溫卽下三味藥末不得住手攪候冷以瓷合內收隨瘡大小貼之

治癰疽發背及一切瘡腫乳香膏方

乳香貳兩

附子生用伍兩

烏頭生用

木鼈子

去髮各貳兩

當歸

秦艽

各壹兩

紫草去苗參兩

蘇枋木

剉伍兩

頭髮灰

壹兩

清油

貳拾兩各細剉入油慢火熬候諸藥焦黑色為度去滓入後藥

楓香脂伍兩

松脂

貳兩參味同研

黃蠟

伍兩

鉛丹貳兩

沒藥

壹兩半研

右一十五味先煎前九味候色黑去滓次下乳香等六味依次等逐味下用慢火熬用柳木篋不住手攪候熬成膏滴水中成珠為度攤紙花子上看瘡大小用之

治瘡腫疼痛辟風斂瘡紫金挺方

當歸

續斷

骨碎補

桂皮去麤皮

附子

澤蘭

芍藥

白及

牛膝

羌活

芎藭

木香

生乾地黃

白僵蠶

白附子

各壹兩

沉香

丁香

各半兩

栝樓

貳枚大者

烏蛇肉

白欬

白芷

玄參

貳拾參味壹處搗篩各壹兩

杏仁

桃人

貳味去皮細研各參分

右二十五味都一處入麻油四斤豬脂一斤半野馳

脂三兩用文武火鍋內煎黑去滓再入乳香末三兩

松脂六兩更煎烱後又瀘去滓細羅鉛丹三斤別炒

治一切瘡腫烏賊骨膏方
令紫色旋旋入藥油內煎柳杖子攪令紫色去火滴水內成珠即傾入瓷器內盛每使時看瘡大小用之

烏賊魚骨

去甲研末

舊缸灰

研末各壹兩

鉛丹

研參兩

右四味先熬油令沸下鉛丹以柳木篋攪候黑色即

將前二味藥末再攪令勻滴水內成珠子得所以瓷

合盛故帛上攤貼日二上以差為度

治一切癰疽瘡腫玄參散方

玄參

黃芩

去黑心

羊蹄根

芍藥 白芷 丁香

木香 滑石碎 半夏湯洗

白欬 木鼈子去殼 莽草各壹兩

右一十二味搗羅為散醋調塗瘡上日三四次腫消

為度

又方

甜葶藶半兩 木通半兩 川大黃半兩

莽草半兩

右四味搗羅為細散以水和如稀膏塗腫上乾即更塗以差為度

治一切癰疽發背熱毒猛異攻肌肉赤色腫痛不可忍欲成膿及已成膿并風毒熱在關節欲結成癰便令內消寒水石膏方

寒水石貳兩 羊蹄根壹兩 消石壹兩

川大黃壹兩 白欬貳分 木香參分

附子參分去皮臍 黃連壹兩去須 丁香參兩

榆白皮參分 莽草參分 赤小豆壹合

漢防已壹兩 半夏參分 玄參壹兩

甘草壹兩

右十六味搗羅為細散每用時以生蜜一合地黃汁

一合旋調以成膏攤於生絹上貼乾卽易腫消爲度
治一切瘡癰癰腫及瘦瘡杖痕等並宜貼不發直至較
白膏方

定粉參兩

清油

肆兩鍊熟取參兩

鉛丹貳錢

商陸根

參分暴乾秤

蠟肆兩

白柳枝

半兩青白而葉大者

是二月採去麤皮取內白皮切作片子暴乾秤

右六味先以熟油熬商陸柳枝令色變後入粉蠟丹攪之不住手直至滴水內爲珠子成攤帛上貼之熬時始則色微紅次微青乃熟也取出久而色白冬色愈白

治諸瘡腫四時可用若未成膿卽消已成膿卽破木通膏方

春用

木通兩

白芷

細辛去苗

摩勒香各貳兩

夏用

木通

續斷各參兩

白芷貳兩半

黃耆

芍藥各貳兩

秋用

木通

薰陸香各參兩

黃耆貳兩

白芷壹兩

冬用

木通

黃耆

木香各參兩

當歸剉焙 貳兩

芎藭壹兩

摩勒香參兩

薰陸香壹兩

右各依四時並咬咀以清麻油二升煎候白芷黃色即去滓絞取油放冷下黃蠟五兩候消盡更入鉛丹十兩先下六七兩看鞭輒得所即止亦不須入盡十兩以急火煎用柳篋攪勿令住手點物上其色如漆即膏成欲用藥先嚼少鹽擦瘡上次貼之

治初患癰腫瘡癩熱焮疼痛消腫毒清涼膏方

右搗大黃為末漿水調攤貼之醋摩亦得

又方

右取地龍屎以小便和塗貼之乾即易

又方

右取井底泥塗瘡上乾即易

又方

右搗惡實根貼之乾即易

又方

右搗地黃貼之日再易

又方

右搗馬齒菜貼之乾即易

又方

右搗龍葵菜貼之

又方

右搗車前葉貼之

又方

右搗蔓菁根貼之

又方

右搗雞腸草貼之

又方

右搗芭蕉根貼之

大德重校聖濟總錄卷第一百三十



